

中國方志叢書·華中地方·第九五四號

據

清·陳汝禎等修，匡汝諧等纂
清同治十二年刊本

影印

江西省

廬陵縣志

(附)

成文出版社有限公司印行

廬陵縣志卷三十六

列女志

青閨何知甘守漆室其凜節之堅之死而不變者非獨天性使然實有以自持其志爲兩閒扶人紀而與日月爭光也廬陵素稱節義之邦卽巾幗女流往往有烈丈夫之行載在前史炳炳可稽况

國朝

溫綸覃布坊表之樹下逮清門是以塵封破鏡勵志冰荼風氣尤盛矣其窮簷蔀屋竹箭松鱗湮沒而不彰者何可勝慨若夫姆儀克端食報夫子令名無窮焉亦劉向列女傳之所不遺也志列女

節孝

南唐

吳媛其先汴州浚儀人唐史臣兢之後父志野義不食梁粟僑廬陵務德不曜媛生數歲口無戲言順奉姆教宛如夙授里民段生五十而無子因以禮聘之歸段氏爲繼室生子甚月段生卒父母以其少而美俾移所天媛勢面自誓志不可奪抱孤嬰以奉舅姑匭爨溫清皆躬爲之教其子爲成人而生業益厚韓熙載使江西錄其清節云

馬令南唐書

舊志按吳媛傳竝載馬陸二氏南唐書馬書附女憲傳陸書附節義傳其事悉同通志引唐餘紀傳蓋從陸書而畧其文

宋

鄭氏綿州推官歐陽觀妻觀卒於任鄭年二十九子修甫四歲鄭守節自矢親誨之學家貧至以荻畫地學書遂以文章忠節名

天下治家恭儉有禮嘗曰儉薄所以居患難修貶彝陵鄭言笑
自若卒年七十二累封魏國太夫人祔崇公合葬龍岡府志

宋氏大學博士周利建妻利建早卒宋年二十七子必大方數歲
甘貧守節日夜督課之必大遂舉進士愿官左丞相少保封益
國公爲一代名臣宋累封濟國太夫人

歐陽氏文天祥妻從天祥流離干戈中絕無愠色自天祥空坑之
敗歐陽氏與子佛生及柳小娘環小娘顏氏黃氏等皆爲俘鹵
求死不得入都服道冠敝衣日誦道經比天祥授命明日歐陽
氏得旨收屍與江南十義士奉柩葬於都城小南門外後歸故
里以元大德九年乙巳二月卒

豫章書

文氏孫臬妻天祥女弟也天祥兵出興國臬入謀氏悉出簪珥以
供軍需未幾臬被執文氏奉臬母攜子蕭翁約翁及一女赴燕

零丁孤苦中持禮守義不失其操天祥集杜詩有曰近聞韋氏
妹零落依草木深負鵲鵲詩臨風欲痛哭府志

舊按孫臬妻文儀女天祥長妹也考儀素尚氣節觀子爲忠
臣女爲節婦媳歐陽氏守義忠孝節義萃於一門得於家訓
者深矣

明 吳氏張某妻年二十一夫亡事舅姑撫孤而終事聞旌表府志

羅氏劉啟宗妻年二十八嫠居紡績爲生奉姑饒氏八十有九以
壽終洪武二十八年旌通志

彭氏周京妻京亡氏年二十八守節洪武閒旌同上

橋東郭門九節劉氏願學妻年二十一撫子永堅守節金氏永堅
妻年二十夫歿矢志會里中寇亂金遇賊不辱赴水死劉氏安

安泰妻年二十守節劉氏安鼎妻早寡無子守節以壽終王氏敬儀妻年二十六守節壽八十五陳氏敬熙妻無子守節壽七十二劉氏厥正妻年二十一撫孤守節卒年七十六戴氏厥蘊妻年二十四撫子守節以壽終郭氏女參姑許適蕭生生歿矢志未幾有媒氏議改字姑聞字經死

通志

舊按郭氏女參姑統於九節中烈女志不複載後凡統列者倣此

蕭氏知沛縣顏伯瑋之子有爲妻也建文時有爲殉父難蕭養姑守節年八十九卒

豫章書

朱氏劉公信妻正統三年年二十六夫故守節奉姑撫子後正德間知縣王守仁旌曰節凜冰霜府志

殷氏夏侯汝欽妻鄉舉夏侯正母守節完操天順己卯旌府志

郭氏曾謨妻謨登天順壬午鄉舉癸未試院失火謨歸而疾篤謂郭曰我志未就子孫必有竟吾業者可以我書授之言訖卒郭年二十五堅志苦節奉姑訓子年百有二歲卒嘉靖十一年孫孔化貴詔建坊旌曰節壽通志

陳氏南村曾武妻年二十四而寡子瑀和方四歲撫孤成立建坊旌表同上

曾氏溫崇惠妻常德推官溫達母年二十二矢志撫孤成化二十二年旌表以子貴膺封府志

藤橋劉門三節孫氏劉遜妻年十八守節胡氏年十九歸遜兄瀾淪歿子綱三歲胡與孫堅志守節淪從弟澗妻亦胡姓澗卒氏年二十六誓守撫孤妯娌繼修節行俱以壽終成化閒詔旌三節婦之門通志

梁氏王育仁曾祖母年二十二贅居撫二孤國成國游卒年八十
三國成以義死育仁登進士詔表其門同上

張門三節李氏張里定妻定卒氏年二十一有娠六月旣而生子
撫孤成立尹氏里器妻器卒尹年二十六遺孤八月氏砥節育
子袁氏里著妻著卒袁年二十九子十餘歲矢志撫孤如二妣
教子皆克其家

劉氏廩生曾世臣妻世臣卒劉矢志自守日夕與孤女鍵戶修女
紅巡按上其事旌表建坊通志

胡氏千戶蔣廣妻廣官吉安所舍人疾不起氏年二十五矢志守
節以壽終宏治閒旌同上

著按通志有蔣庠妻楊氏庠爲吉安千戶所舍人早卒無子
楊年二十貞操不渝人稱爲貞節婦攷舊志邑志俱無其人

而通志又不載某縣疑庠爲廣兄弟卽廬陵人附載俟考

王氏曾世卿妻夫歿矢志撫孤與孀嫂劉氏偕處四十二年

王氏李修妻年二十四修卒子本淵甫二歲氏事姑撫子年五十

終通志

蕭氏澧田劉來咨妻年二十三撫孤守節壽八十四羅洪先表其

墓聶豹碑記之通志

彭氏周用元妻年二十八夫故甘貧砥節而終

劉氏周珪妻尙書劉宣女珪卒氏年二十八子允生數月撫之守

節四十年詔旌表通志

周氏邑增生王球妻年十八夫亡苦節旌表

周氏劉博妻博早卒氏年二十四堅志守節年六十歿嘉靖間旌

表通志

湯氏醪村李東洲妻年二十五夫以商死矢志守節家貧課子壽八十卒

蕭氏郭某妻年十九歸郭郭富家子力勉之學且勸之儉年二十九夫卒無子孀居四十載嘉靖閒旌

劉氏醪村李祖賢妻年二十八賢死氏屏去僮僕強自操作遺書百卷特加珍惜俟從子長以付壽七十三卒

劉氏羅行敏妻年二十四夫歿鬻奩具治喪葬舅姑憫其年少諷改節劉以死拒養舅姑撫孤息年逾七十卒

朱氏澧田劉順德妻年二十德卒撫二孤女守節繼仲兄子來哲爲嗣以歲貢官教諭身享祿養壽八十六卒

劉氏鄉舉蕭可炳妻年二十四炳卒氏訓督藐孤及授室而孤復夭乃由從子爲嗣訓以成立年六十三卒

王氏鈞源歐陽素顯妻夫亡無子守節盡捐產業以供祠祀嘉靖

十年建坊旌表通志

劉氏戴鑲妻鑲卒劉年二十一撫二孤守節事舅姑以孝聞年八

十一卒通判林春澤表其堂曰慈節府志

王氏彭德妻年二十四德卒氏生遺腹子寅守節撫孤寅生時濟

仕至御史嘉靖閒自疏祖母貞節勅封建坊通志

宋氏劉近珽妻年二十二居孀敬事尊嫜鄉閭稱孝婦

梁氏彭成文妻夫卒年十九守節撫兩世孤成立年九十三終

劉氏沂塘黃正裳妻年二十裳亡撫孤守志孤十二而夭撫從子

祿爲嗣年六十六卒崇禎閒邑令雍鳴鸞上於巡按旌以貞淑

完操

羅氏李尙友妻年二十一友卒無嗣氏守節事翁姑惟謹旣歿歸

羅與繼母李氏交相砥節卒年六十

舊志參通志

劉氏張氏水陂明經歐陽昭妻

舊按通志舊志俱載張氏年十九守節建坊旌表而劉氏舊志亦列名故竝存之

同上

曾門三節匏塘曾簫妻蕭氏年二十簫歿撫孤守節子超娶劉氏

年二十三夫卒孫宏娶歐陽氏年二十五夫卒劉與歐陽氏俱

守節以壽終蕭以萬歷三十年旌

通志

郭氏戴念周妻夫故氏年三十守節六十二歲歿府志

蕭氏杜宗舜妻舜歿氏年二十七誓死撫孤織紉自給以壽終萬

歷三十八年旌表

通志

胡氏彭瀾妻年二十一守節萬歷四十二年旌表

同上

劉門三節劉位妻康氏幼讀書能詩年十八刲股療位疾竟卒氏

短髮毀容矢志不二歿葬外氏附此賦詩有朝夕思歸路孤墓
無人看之句乃合祔夫墓劉俊妻姚氏年二十一夫亡氏以死
自誓孀居五十三年劉仕妻周氏年二十四而寡矢志事翁姑
撫幼子年六十九卒俱天啟乙丑建坊旌表

舊按劉氏三節婦通志載入安福今從舊錄登又舊志云其
後有劉一飛妻彭氏年十九守節人稱世節劉氏云

曾氏栗塘庠生劉煥妻煥歿氏年二十五孀居教子有成長樹屏
歲貢次樹升邑庠生年六十四卒有司旌之

羅氏歐陽邦傑妻傑死氏年二十矢志守節家貧紡織供饗事事
姑至孝誨子有成年六十卒

周氏歐陽繩武妻年十九夫殞礪志撫孤補諸生食餼卒年六十
劉氏楊家坊王大政妻年二十六守節撫四孤成立卒年九十二

郭氏高立妻年二十餘立卒遺孤延師教之壽七十餘卒

劉氏邱照蘭妻年二十孀居子光極纔一歲紡織訓子年六十卒
易氏諸生陳奇策妻歸策時父母俱歿策家貧氏勤紡織以助策
卒易年二十餘遺孤三人撫之成立當道旌以額

吳氏蕭之巖妻巖卒氏年二十六僅一女氏守節五十餘年巡按
旌以絹帛

王氏藤橋邑庠劉儒妻保安州牧啟之女青年守節孝事翁姑適
鄰人不戒於火延燒幾及氏叩禱頓熄媳胡氏年十九孀居勤
勞撫孤歷久不渝邑侯方肯堂獎以節孝名門

補遺

劉氏彭儲粹妻粹歿氏年二十撫孤甘貧砥節四十年太僕曾鼎
爲之傳遺惠

趙氏郭鎮京妻京歿氏方有娠踰月舉子教之力學補弟子員年

六十卒

高氏歐陽秋妻秋歿氏年二十二守節訓子子偉爲郡諸生氏以壽終

劉門雙節李氏劉以德妻德歿氏年十七矢志鞠子堯聲方舉孫堯聲歿媳黃氏年十九撫兩遺孤婦姑相依人稱雙節

范氏劉慕齊妻年二十八夫故矢志紡績自給壽百歲子孫曾元四十餘人邑令錢一本以聞旌其門

王氏藤橋劉徵妻徵早逝氏守節六十餘年訓子成立孫入邑庠曾孫摯倫庚午鄉舉氏年九十卒

吳氏諸生蕭縉登妻年二十一夫歿養舅姑撫幼孤壽八十卒

劉氏宋志廷妻年二十四夫歿遺孤六歲矢志節誨子力學年六十五卒

蔣氏高應傳妻傳早世遺孤三歲氏年二十七甘貧守節訓子有成年七十終

胡門雙節蕭氏夏涇胡夢弼妻劉氏弟夢吳妻夢弼兄弟少遊鄒文莊守益門以孝友著卒時蕭劉年俱二十四蕭撫孤時庠劉撫孤時雍時薦俱成立年皆六十餘終

曾氏李承梅妻年十八夫歿無子矢節撫從子嗣復歿教兩孫有成壽七十卒

羅氏劉淇母年二十孀居貧苦課子壽七十餘卒

王氏田稅妻年十九稅歿遺孤方數月氏矢節撫孤崇禎十年旌表

通志

李氏楊覺非妻夫故氏年十八遺腹生子撫孤守節姑柩停室遭鄰火將至宅氏泣禱頃刻回風火息六十七歲卒

府志

段氏吳金印妻夫故氏年十八守節八十二歲卒與娣劉氏一門
雙節同上

楊氏劉顯泰妻 曾氏胡克妻 劉氏王紹儷妻 曾氏羅以康

妻 左氏蕭騰妻 郭氏蕭彬妻 劉氏王潮妻 傅氏王世

新妻 張氏蕭聖絃妻 劉氏棟頭廩生王穎妻 蕭氏王珍

之妻 劉氏戴紱妻 曹氏蕭廷選妻 高氏賀文明妻 劉

氏王士用妻 高氏澧田劉輔孺妻 郭氏胡瑞寰妻 曾氏

蕭珍器妻 李氏王廡妻 劉氏陳國樑妻俱已旌

黃氏雲樓羅一本妻年十七歸羅兩乳舉四子夫故氏年二十七

矢志守節姑老而病旦性卞急氏委曲承事得其歡督四子皆

就學盡鬻服飾以資長次補諸生氏年七十二歿

王氏文山吳禮敬妻年二十四夫故守節撫孤智宰有成歿年七